

«Հայաստանի Հանրապետության կառավարության 2014 թվականի մարտի 6-ի N 275-Ն որոշման մեջ փոփոխություններ և լրացումներ կատարելու մասին» ՀՀ կառավարության որոշման նախագիծ

ՆԱԽԱԳԻԾ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

_____ 2020 թվականի N -Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2014 ԹՎԱԿԱՆԻ ՄԱՐՏԻ 6-Ի N 275-Ն ՈՐՈՇՄԱՆ ՄԵՋ ԼՐԱՑՈՒՄՆԵՐ ԵՎ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

Համաձայն «Նորմատիվ իրավական ակտերի մասին» Հայաստանի Հանրապետության օրենքի 34-րդ հոդվածի 1-ին մասի՝ Հայաստանի Հանրապետության կառավարությունը **որոշում է.**

1. Հայաստանի Հանրապետության կառավարության 2014 թվականի մարտի 6-ի «Երեխայի ծննդյան միանվագ նպաստի չափը սահմանելու, երեխայի ծննդյան միանվագ նպաստ նշանակելու և վճարելու կարգը հաստատելու մասին» N 275-Ն որոշման (այսուհետ՝ որոշում)՝

- 1-ին կետը լրացնել հետևյալ բովանդակությամբ 6-րդ ենթակետով.

«6) Երեխայի ծննդյան միանվագ նպաստի դեպքում «Պետական նպաստների մասին» Հայաստանի Հանրապետության օրենքի 6-րդ հոդվածի 1-ին մասով սահմանված՝ քաղաքացու բնակության վայրի տարածքային կենտրոն է համարվում Աշխատանքի և սոցիալական հարցերի նախարարության սոցիալական ապահովության ծառայության ցանկացած տարածքային ստորաբաժանում, որտեղ փաստացի ներկայացվում են սույն որոշմամբ սահմանված դիմումները:».

- 6-րդ կետից հետո լրացնել հետևյալ բովանդակությամբ 7-րդ կետով.

«7. Աշխատանքի և սոցիալական հարցերի նախարարության սոցիալական ապահովության ծառայության և Արդարադատության նախարարության քաղաքացիական կացության ակտերի գրանցման գործակալության միջև տեղեկատվության փոխանակումը կատարվում է տեղեկատվական համակարգերի միջոցով՝ առցանց ռեժիմով կատարվում են հարցումներ և ստացվում են պատասխաններ: Սույն կետում նշված տեղեկատվության փոխանակումն ապահովվում է Հայաստանի Հանրապետության կառավարության 2015 թվականի օգոստոսի 31-ի N 1093-Ն և 2019 թվականի դեկտեմբերի 19-ի N 1849-Ն որոշումներին համապատասխան՝ էլեկտրոնային համակարգերի փոխգործելիության և համապատասխան տվյալների

բազաների փոխկապակցման միջոցով, ինչպես նաև Աշխատանքի և սոցիալական հարցերի նախարարության սոցիալական ապահովության ծառայության պետի և Արդարադատության նախարարության քաղաքացիական կացության ակտերի գրանցման գործակալության պետի կողմից հաստատված արձանագրություններով:[]:

2. Որոշման N 1 հավելվածում`

- 2-րդ կետի 4-րդ ենթակետը «տարածքային բաժին» բառերը փոխարինել «տարածքային համապատասխան ստորաբաժանում» բառերով.
- 3-րդ կետի 1-ին ենթակետը լրացնել հետևյալ բովանդակությամբ «գ» պարբերությամբ.

«գ. եթե դիմումը ներկայացվում է ընտանիքում երկրորդ և հաջորդ երեխայի ծննդյան կապակցությամբ տրվող նպաստի համար, ապա` նոր ծնված երեխայի կարգաթիվը որոշելու համար հաշվի առնվող երեխայի (զավակի) անունը, ազգանունը, ծննդյան օրը, ամիսը, տարեթիվը, ծննդյան վկայականի սերիան և համարը, ծննդյան վկայականը հատկացնելու օրը, ամիսը, տարեթիվը, նոր ծնված երեխայի ծննդյան օրվան նախորդող 3 տարվա ընթացքում մահացած երեխաների (զավակների) մահվան վկայականի սերիան և համարը կամ կյանքի չորս շաբաթվա ընթացքում մահացած երեխայի ծննդի պետական գրանցման փաստը հաստատող փաստաթղթի համարը:»:

- 3-րդ կետի 2-րդ և 3-րդ ենթակետերը, 4.1-ին և 4.2-րդ կետերը ճանաչելու ընդ կորցրած.
- 1-ին կետի 3-րդ ենթակետում «պերինատալ շրջանում» բառերը փոխարինել «Հայաստանի Հանրապետության կառավարության 2005 թվականի հունիսի 16-ի N 949-Ն որոշմամբ սահմանված պերինատալ շրջանում (սկսվում է պտղի ներարգանդային կյանքի 22 լրացած շաբաթից (154 օրվանից) և ավարտվում է ծննդից 7 լրիվ օր (168 ժամ) հետո, այսուհետ` պերինատալ շրջան)» բառերով.
- 2-րդ կետում «www.epension.am» բառերը փոխարինել «www.ssa.am» բառերով.
- 4-րդ կետում «2017 թվականի փետրվարի 16-ի N 192-Ն» բառերը փոխարինել «2019 թվականի դեկտեմբերի 19-ի N 1849-Ն» բառերով.
- 5-րդ կետի 2-րդ ենթակետում «երրորդ» բառը փոխարինել «երկրորդ» բառով, իսկ 5-րդ ենթակետում «www.epension.am» բառերը փոխարինել «www.ssa.am» բառերով.
- 4-րդ կետը շարադրել հետևյալ խմբագրությամբ.

«4. Ըստ անհրաժեշտության` սույն կարգի 3-րդ կետում նշված դիմումին կից ներկայացվում են նաև`

1) այլ պետությունում երեխայի ծննդյան կապակցությամբ տրվող նպաստն ստացած չլինելու վերաբերյալ փաստաթուղթ, եթե ծնողն օտարերկրյա քաղաքացի է.

2) նոր ծնված երեխայի կամ նոր ծնված երեխայի կարգաթիվը որոշելու համար հաշվի առնվող երեխայի (զավակի) ծննդյան վկայականը, եթե ծննդի պետական գրանցումը կատարել է օտարերկրյա պետության քաղաքացիական

կացության ակտերի գրանցման մարմինը.

3) Նոր ծնված երեխայի կամ նոր ծնված երեխայի կարգաթիվը որոշելու համար հաշվի առնվող երեխայի (զավակի) ծնողի՝ նպաստի իրավունքը հաստատող փաստաթղթեր (նոր ծնված երեխայի ծնողը, որդեգրողը կամ խնամակալը հանդիսանալը հաստատող փաստաթղթեր՝ հայրության ճանաչման վկայական, դատարանի վճիռ կամ երեխայի (զավակի) սերման փաստը հաստատող այլ փաստաթղթեր), եթե նոր ծնված երեխայի ծնողների ամուսնությունը գրանցված չէ քաղաքացիական կացության ակտերի գրանցման մարմիններում կամ ամուսնությունը գրանցված է նոր ծնված երեխայի ծնվելու օրը կամ դրանից հետո.

4) Նոր ծնված երեխայի կարգաթիվը որոշելու համար համահայր կամ համամայր քույրերին ու եղբայրներին հաշվի առնելու համար՝ սույն կարգի 8-րդ կետի 2-րդ ենթակետի «ա» պարբերությունում նշված դեպքում՝ համապատասխան դատարանի վճիռը կամ ծնողների փոխադարձ գրավոր համաձայնությունը, «բ» պարբերությունում նշված դեպքում՝ քաղաքացիական կացության ակտերի պետական գրանցում իրականացնող մարմիններում ամուսնալուծվելիս ծնողների միջև կնքված համաձայնությունը կամ համապատասխան դատարանի վճիռը, «գ» պարբերությունում նշված դեպքում՝ ալիմենտ վճարելու վերաբերյալ ծնողների միջև կնքված և նոտարի վավերացրած գրավոր համաձայնությունը կամ համապատասխան դատարանի վճիռը, «դ» պարբերությունում նշված դեպքում՝ համապատասխան նոտարական ակտը, «ե» պարբերությունում նշված դեպքում՝ ծնողի մահվան վկայականը (եթե մահվան վկայականը տրված է օտարերկրյա պետության իրավասու մարմնի կողմից), կամ նրան մահացած կամ անհայտ բացակայող կամ անգործունակ ճանաչելու մասին դատարանի վճիռը: Սույն կարգի 8-րդ կետի 2-րդ ենթակետի «ա» և «բ» պարբերություններում նշված՝ ծնողների (փոխադարձ) գրավոր համաձայնությունում ներառվում են համաձայնությունը կնքելու օրը, ամիսը, տարին, վայրը, երեխայի (զավակի) անունը, ազգանունը, հայրանունը, ծննդյան օրը, ամիսը, տարեթիվը, անձը հաստատող փաստաթղթի սերիան ու համարը, ծնողներից յուրաքանչյուրի անունը, ազգանունը, անձը հաստատող փաստաթղթի սերիան և համարը, ինչպես նաև հավաստումը համաձայնացվող հանգամանքներին համաձայն լինելու վերաբերյալ.

5) Նոր ծնված երեխայի կարգաթիվը որոշելու համար հաշվի առնվող երեխայի (զավակի)՝ պարտադիր զինվորական ծառայության մեջ գտնվելը (ռազմաուսումնական հաստատությունում սովորելը) հաստատող՝ զինվորական կոմիսարիատի (ռազմաուսումնական հաստատության) տված կամ ազատագրկման վայրում գտնվելը հաստատող՝ քրեակատարողական հիմնարկի տված տեղեկանքը, եթե սույն կարգի 8-րդ կետում նշված՝ պարտադիր զինվորական ծառայության զորակոչված կամ ազատագրկման վայրում պատիժը կրող՝ 16 տարին լրացած Հայաստանի Հանրապետության քաղաքացուն (զավակին) երբևէ չի հատկացվել Հայաստանի Հանրապետության քաղաքացու անձնագիր կամ Հայաստանի Հանրապետության քաղաքացու նույնականացման քարտ կամ նրան հատկացված՝ Հայաստանի Հանրապետության քաղաքացու անձնագիրը կամ Հայաստանի Հանրապետության քաղաքացու նույնականացման քարտն անվավեր է: Տեղեկանքներում ներառվում են երեխայի (զավակի) անունը,

ազգանունը, հայրանունը, ծննդյան օրը, ամիսը, տարեթիվը, **իսկ առկայության դեպքում՝** անձը հաստատող փաստաթղթի սերիան ու համարը (առկայության դեպքում):

6) Նոր ծնված երեխայի ծննդյան օրվան նախորդող 3 տարվա ընթացքում մահացած երեխայի (զավակի) մահվան վկայականը կամ կյանքի չորս շաբաթվա ընթացքում մահացած երեխայի ծննդի պետական գրանցման փաստը հաստատող փաստաթուղթը, եթե այդ փաստաթղթերը տրված են օտարերկրյա պետության իրավասու մարմնի կողմից:».

- 5-րդ կետը շարադրել հետևյալ խմբագրությամբ.

«5. սույն կարգի 3-րդ կետում նշված դիմումով և 4-րդ կետի 5-րդ ենթակետում նշված տեղեկանքներով ներկայացված տվյալներն ինքնաշխատ եղանակով համադրվում են Հայաստանի Հանրապետության կառավարության 2019 թվականի դեկտեմբերի 19-ի N 1849-Ն որոշմամբ սահմանված կարգով Հայաստանի Հանրապետության քաղաքացիական կացության ակտերի գրանցման մարմնի տեղեկատվական բազայից առցանց ռեժիմով էլեկտրոնային փաստաթղթաշրջանառության (էլեկտրոնային եղանակով կատարված հարցման և ստացված պատասխանի) միջոցով ծննդի, երեխայի (զավակի) սերման փաստի, ամուսնության, ամուսնալուծության, մահվան ակտերի վերաբերյալ քաղաքացիական կացության ակտերի գրանցման մարմնից ստացված տեղեկատվության հետ:».

- 6-րդ կետը ճանաչել ուժը կորցրած.
- 1-ին կետից հանել «ներկայացվում է նպաստը երրորդ և հաջորդ երեխայի համար սահմանված չափով վճարելու մասին դիմում, և» բառերը, իսկ «աշխատանքի և սոցիալական հարցերի նախարարությունից» բառերը փոխարինել «իրավասու պետական մարմնից» բառերով.
- 8-րդ կետի 2-րդ ենթակետը լրացնել հետևյալ բովանդակությամբ«գ» պարբերությամբ.

«գ. քաղաքացիական կացության ակտերի գրանցման մարմնից ստացված տեղեկատվության համաձայն՝ այդ համամայր երեխայի (երեխաների) ծննդյան ակտի գրառման մեջ հոր մասին տեղեկությունը լրացվել է մոր գրավոր հայտարարության հիման վրա կամ հոր մասին տեղեկությունը չի լրացվել (եթե նպաստը նշանակվելու է նոր ծնված երեխայի մորը):».

- 1-ին կետի 2-րդ նախադասությունը հանել.
- 13-րդ կետում 2-րդ նախադասությունը շարադրել հետևյալ խմբագրությամբ.

«Եթե երեխան (զավակը) սույն կարգի 8-րդ կետի 2-րդ ենթակետի հիման վրա մեկ անգամ հաշվի է առնվում իր հորից կամ մորից սերված նոր ծնված երեխայի կարգաթիվը որոշելիս, ապա դրանից հետո նոր կարգաթիվ որոշելիս՝ այդ երեխան (զավակը) կարող է հաշվի առնվել, եթե նոր ծնված երեխայի հետ սերվել է տվյալ հորից կամ տվյալ մորից:»:

- 15-րդ կետում «սույն կարգի 4-րդ, 4.1-ին, 4.2-րդ, 5-րդ, 6-րդ կետերում

նշված տեղեկատվության» բառերը փոխարինել «սույն կարգի 5-րդ կետում նշված ճշտումների» բառերով.

- 17-րդ կետում «փաստաթղթերի» բառը փոխարինել «դիմումի» բառով, իսկ «տեղեկատվության» բառից հետո լրացնել «(սույն կարգի 5-րդ կետում նշված ճշտումների)» բառերը.
- 17-րդ կետի 1-ին ենթակետը «ներկայացնելու» բառից հետո լրացնել «կամ սույն կարգի 3-րդ կետում նշված դիմումով ներկայացված տվյալները ճշտելու» բառերով.
- 23-րդ կետը լրացնել հետևյալ նախադասությամբ.

«Գումարը բանկ փոխանցելու դեպքում այդ մասին ծառայությունը տեղեկացնում է ծնողին՝ էլեկտրոնային հաղորդագրություն ուղարկելով նրա հետադարձ կապի բջջային հեռախոսահամարին կամ էլեկտրոնային փոստի հասցեին:».

- 30-րդ կետի 2-րդ ենթակետը «վկայականը» բառից հետո լրացնել «,եթե այն տրամադրել է օտարերկրյա պետության իրավասու մարմինը» բառերով, իսկ 3-րդ ենթակետը ճանաչել ուժը կորցրած.
- 34-րդ կետից հետո լրացնել հետևյալ բովանդակությամբ 35-40-րդ կետերով.

«35. «Պետական նպաստների մասին» օրենքի 24-րդ հոդվածի 10-րդ մասում նշված դեպքում նպաստը վճարելու համար մինչև նպաստի գումարը Հայաստանի Հանրապետության պետական բյուջե վերադարձվելու ամսվան հաջորդող 36-րդ ամիսը՝ ներառյալ, ծնողը (ում դիմումի հիման վրա նշանակվել է նպաստը) տարածքային բաժին է ներկայացնում դիմում, որում ներառվում են՝

1) ծնողի բնակության (հաշվառման) վայրի հասցեն, անունը, ազգանունը, անձը հաստատող փաստաթղթի սերիան և համարը, հանրային ծառայությունների համարանիշը, հանրային ծառայությունների համարանիշ չստանալու մասին տեղեկանքի համարը, եթե ծնողը հրաժարվել է հանրային ծառայությունների համարանիշ ստանալուց,

2) երեխայի (ում ծննդյան կապակցությամբ նշանակվել է նպաստը) անունը, ազգանունը, ծննդյան վկայականի (եթե երեխան մահացել է՝ մահվան վկայականի) սերիան և համարը, բնակության (հաշվառման) վայրի հասցեն (բացառությամբ այն դեպքի, երբ նոր ծնված երեխան մահացել է), հանրային ծառայությունների համարանիշը (հանրային ծառայությունների համարանիշ չստանալու մասին տեղեկանքի համարը, եթե ծնողը հրաժարվել է երեխայի հանրային ծառայությունների համարանիշ ստանալուց),

3) բանկի անվանումը, որտեղից ծնողը ցանկանում է ստանալ նպաստի գումարը:

36. Սույն կարգի 35-րդ կետում նշված դեպքում երեխայի ծննդյան միանվագ նպաստը վճարվում է նաև մյուս ծնողի դիմումի հիման վրա, եթե ներկայացվել է ծնողի (ում դիմումի հիման վրա նշանակվել է նպաստը)՝ նոտարական կարգով վավերացված համաձայնությունը՝ մյուս ծնողին նպաստ վճարելու վերաբերյալ կամ ծնողը (ում դիմումի հիման վրա

Նշանակվել է նպաստը՝

1) մահացել է (դատական կարգով ճանաչվել է մահացած) կամ դատական կարգով ճանաչվել է անհայտ բացակայող.

2) դատական կարգով ճանաչվել է անգործունակ կամ սահմանափակ գործունակ.

3) դատական կարգով գրկվել է ծնողական իրավունքներից կամ սահմանափակվել են նրա ծնողական իրավունքները:

37. Սույն կարգի 36-րդ կետում նշված դիմումում ներառվում են սույն կարգի 35-րդ կետի 1-3 կետերում նշված տվյալները, ծնողի (ուժ դիմումի հիման վրա նշանակվել է նպաստը) մահվան դեպքում՝ մահվան վկայականի սերիան և համարը (եթե մահվան վկայականը տրամադրել է Հայաստանի Հանրապետության իրավասու մարմինը): Դիմումին կից ներկայացվում են սույն կարգի 36-րդ կետում նշված հանգամանքները հավաստող փաստաթղթեր (ծնողի մահվան վկայականը ներկայացվում է, եթե այն տրամադրել է օտարերկրյա պետության իրավասու մարմինը):

38. Ներկայացված դիմումի և առկա տեղեկատվության հիման վրա տարածքային բաժինը տասն աշխատանքային օրվա ընթացքում որոշում է՝

1) մերժել նպաստ վճարելը և դրա մասին տեղեկացնել ծնողին (ծնողին տեղեկացնել լրացուցիչ փաստաթղթեր ներկայացնելու կամ սույն կարգի 35-րդ կամ 36-րդ կետերում նշված դիմումով ներկայացված տվյալները ճշտելու անհրաժեշտության մասին).

2) վճարել նպաստը:

39. Սույն կարգի 35-րդ և 36-րդ կետերում նշված դիմումները մերժվում են, եթե դիմելու օրվա դրությամբ՝

1) երեխայի (ուժ ծննդյան կապակցությամբ նշանակվել է նպաստը) նկատմամբ սահմանվել է խնամակալություն.

2) նպաստը նշանակելուց հետո երեխան (ուժ ծննդյան կապակցությամբ նշանակվել է նպաստը) որդեգրվել է.

3) երեխան (ուժ ծննդյան կապակցությամբ նշանակվել է նպաստը) ձեռք է բերել առանց ծնողական խնամքի մնացած երեխայի կարգավիճակ.

4) երեխայի (ուժ ծննդյան կապակցությամբ նշանակվել է նպաստը) ծննդյան կապակցությամբ արդեն վճարվել է նպաստ.

5) ներկայացվել են ոչ հավաստի տվյալներ (ներկայացված տվյալներում առկա են անճշտություններ).

6) դիմումը ներկայացվել է սույն կարգի 35-րդ կետում նշված ժամկետից հետո.

7) ծնողը և երեխան (ու՛մ ծննդյան կապակցությամբ նշանակվել է նպաստը) բնակչության պետական ռեգիստրում հաշվառված չեն Հայաստանի Հանրապետությունում բնակչության վայրի հասցեով:

40. Սույն կարգի 35-րդ և 36-րդ կետերում նշված դիմումների հիման վրա նպաստը վճարվում է ընդհանուր կարգով:»:

41. Աշխատանքի և սոցիալական հարցերի նախարարության սոցիալական ապահովության ծառայության պետին, Արդարադատության նախարարության քաղաքացիական կացության ակտերի գրանցման գործակալության պետին՝ սույն որոշումն ընդունվելուց հետո մեկամսյա ժամկետում մշակել և գործարկել Աշխատանքի և սոցիալական հարցերի նախարարության սոցիալական ապահովության ծառայության և Արդարադատության նախարարության քաղաքացիական կացության ակտերի գրանցման գործակալության միջև տեղեկատվության փոխանակումն ապահովելու համար անհրաժեշտ էլեկտրոնային տեղեկատվական համակարգը:

42. Սույն որոշումն ուժի մեջ է մտնում 2020 թվականի նոյեմբերի 1-ից :

43. Եթե նոր ծնված երեխայի ծննդյան ակտի գրառման մեջ հոր մասին տեղեկությունը լրացվել է մոր գրավոր հայտարարության հիման վրա կամ հոր մասին տեղեկությունը չի լրացվել և 2020 թվականի հուլիսի 22-ից մինչև նոյեմբերի 1-ն ընկած ժամանակահատվածում մոր կողմից ներկայացված՝ երեխայի ծննդյան միանվագ նպաստի նշանակման վերաբերյալ դիմումը մերժվել է Հայաստանի Հանրապետության կառավարության 2014 թվականի մարտի 6 ի N 275-Ն որոշման N 2 հավելվածի 18-րդ կետի 3-րդ ենթակետով սահմանված հիմքով (ծնողը ներկայացված (տարածքային բաժնի կողմից ճշտված) տվյալների և փաստաթղթերի հիման վրա չունի նպաստի իրավունք), ապա ներկայացված դիմումի հիման վրա մինչև 2020 թվականի դեկտեմբերի 1-ը նշանակվում է երեխայի ծննդյան միանվագ նպաստ՝ անկախ դիմում ներկայացնելու հանգամանքից: